

الرشاد

س ۶ ۱ ۰ ۳ ۱

والله يهدي من يشاء الى صراط مستقيم ديني ، علمي ، ادبي ، سياسي هفتعلق بمجموعة اسلاميه در
اتبعون اهدكم سبيل الرشاد

صاحب و مدير مسئول : ح . اشرف اديب

جلد ۱ - ۸

۱۶ ربيع الاخر ۱۳۳۰ پنجشنبه ۲۲ مارت ۱۳۲۸

عدد ۵ - ۱۸۷

غزالی حیات معنوی ده محافظه اعتدالی صحت بدنه و افراط و تفریطی ده وجوده طاری اولان امراضه تشبیه دیورکه: (برخسته نك تدایوسی ایچون برطیب حاذقه احتیاج اولدینی کی مرض معنوی به مبتلا اولان بدخوی بر شخصك تدایوسی ایچونده بر مربی فاضله لزوم واردر. یکی طوغان برچوجفك بدنی تغذیه و تربیه ایله نشو و نما بولور و تکمل ایدر. قوای معنویه ده بویه در. بوقوتلرده اولجه ضعیف اولورلر. فقط تربیه و تهذیب اخلاق سایه سنده تکمل و علم و عرفانه تغذی ایدرلر. وجود صاغلام و خسته لقندن آزاده اولورسه طبییه هیچده احتیاج مس ایتمز. طیبیدن یالکر حفظ الصحه قواعدینی اوکرنك و تطبیقنه چالشمق کافیدر. خسته لق علائمی کورولدیکی زماندرکه درحال طبییه مراجعت ایجاب ایدر.

نفس ده امراض معنویه دن مصون ایسه بو حالی محافظه و قوت و صفوتی تزییده چالشمق اقتضا ایدر. عکس تقدیرده اطباء معنویات اولان اکابره مراجعتله خسته لقندن تخلص نفس اتمک چاره لری آرانلیدر. فقط برخسته لغك تدایو ایدیه بیلمسی ایچون اسباب مرض معلوم و خسته لق تشخیص ایدلش اولمق لازمدر. چونکه معیار دوا معیار علمدن اخذ اولمشدر.

نفوس بشریه نك ترکیه و تهذیبله مشغول اولان ارباب ارشاده دست تربیه لرینه مودوع اولان انسانلرک اولاسنی، مزاجنی، اخلاقی، حالی، بنیه نك ریاضته درجه تحملنی تدقیق ایتمی، بعده نتیجه تدقیقنه کوره تدایو به باشلاملیدر.

غزالی نك حکمت اخلاقده کی (قوی جداً شایان حیرتدر. تصفیة نفس ایچون وضع ایتدیکی اصوللر مسلك تصوفیسی ملهماتندندر. غزالی به کوره تهذیب اخلاق و تربیه معنویه دن غایه (انسان کامل) یتیشدیرمکدر. بوغایه به وصول ایچون حضرت امام (مجاهده) و (ریاضت) اصوللرینی توضیه ایدیور. تدریجی ریاضت سایه سنده نفسك ترکیه و روحك فضائل عالیله تخلیه ایدیه بیله جکنه قانعدر. احياء العلومده بوخصوصه دائر يك رنگین صحیفه لر اوقونه بیلور.

مدالی اعدادایی مدیری

م. شمس الدین

تذکره

حق و حقیقت

تاریخ اسلامیه دائر درقنور درزینك اثر غرض طایفه فارسی ربیه

— ۵ —

وحی ربانینك مراتب عذیده سی واردر

ایلمنی مرتبه — ملك وحی کورنیه رك قلب نجیه افاضه معنا ایتسیدر. بونوع وحیک قبل اجل رحمانیدن اولمسی قلب مبارک کننده

رزقیتى فضیلت، اعتقاد و فضیلت اخلاقیه بی بر نوع بدلالق عد ایدن کیمسه لر در. بونلرک تبدیل اخلاق ایده بیلمه لری يك مشکلدرد. چونکه بوکی اشخاصك اولا رزقیت اخلاقیه نك برقیجه و فضیلت خلقیه نك ده بر مزیت اولدیغه قساعت پیدا ایده رك اولکی اعتقادلرندن نکول ایتلمی، ثانیاً کندیلمه ده بر ملکه حالته کلش اولان فنا خویلمدن تمامیه و از کچملری، ثالثاً فضائل اخلاقیه ایله اتصافه چالشملی لازمدر. بوايه هم کچ و هم کوچ اولور.

غزالی نك شو مطالعه سی، بسیقولوجی انسانى حقنده نه قدر درین تبعاتده بولنش اولدینی يك کوزل کوستره بیلور.

سنه لرجه عالم اسلامه حرزات عرفان صاحبش اولان بوممتاز داهینك بالخاصه یشادینی زمان و محیطی نظر اعتباره الملق شرطیه لری اثرلرنده کی معالی فکریه و فلسفیه بی تدقیق ایدن ارباب انصاف، کنديسك جداً خارقه نما بیوک بر بسیقولوج اولدینی اعترافه مجبور قالیرلر. غزالی تبدیل اخلاقندن مقصد طبایع انسانیه نك بالکایه محوی ديمك اولدینی ایضاح ایدرکن دیورکه: (انسانده بولنان قوا، حیات شخصیه نك محافظه و حیات نوعیه نك بقاسی ایچون الزمدر. مثلاً انسانده کی اشتها دیدیکمز حال محو ایدلش اولسه حیات شخصیه نك بقاسی ممکن اوله مز. بیوب ایچمکدن محروم قالان انسان هلاک اولور کیدر.

حس شهوت بولونماسه تناسل اولمز و نتیجه ده نوع بشر منقطع اولور. قوه غضبیه منعدم اولنجه انسان برطاقم مهاجمانه قارشى کنديسنی مدافعه ایده مز. عاجز قالیر. ینه محو وهلاک اولور.

فاطر مطلق شخص و نوع انسانينك محافظه سی ایچون افراد بشریه بی بوکی بر طاقم قوتلره تجهیز ایتمشدر.

علم اخلاق و تعلیم و تربیه بوقوتلری افراط و تفریطدن قورناده رق اعتداله ارجاخ ایتکه چالیشیر.

غزالی بوبابده کی محاکمه سنی (خبرالامور اوساطها) اساسی اوزرینه ایبتا ایلمکده در.

حضرت امام علم اخلاقی فن طبه تشبیه ایده رك دیورکه: (بدنك محافظه صحتی ایچون قواعد حفظ الصحه به رعایت و مرض وقوعنده اطبايه مراجعت نصل لازم ایسه حیات معنویك تکمل و محافظه سی ایچونده علم اخلاق متخصصلرینه مراجعتله قواعد اخلاقیه بی تعلم و تزکیه نفسه مبادرت او قدر لازم و واجیدر.

اخلاق سیئه حیات ابدیه بی فنا ایدر برطاقم امراض روحانیه در. بدنك هلاکنی مستلزم اولان امراض جسمانیه ایله حیات معنویه نك محوخی موجب اولان امراض معنویه آره سنده يك چوق فرقلر واردر. حیات قانیه نك افقاسنی انتاج ایده بیلن امراض جسمانیه نك تدایوسی ایچون هرکس اعتسارده بولنور. طیبیلره قوشار. علاجلر ترتیبه قوییلور. حالبوکه امراض معنویه حیات ابدیه بی فنا ایتکده در.

شو حالده امراض معنویه نك تدایوسنه اهتمام و اخلاق فاضله ایله اتصافه اعتنا ایدلمسی ارجحیتله هرکسه لازم اولمق ایجاب ایتزمی؟.

علم ضروری، معرفت وجدانیه خلقیه نبی ذی شان حضرت تهرینه معلوم اولور. نصل که جبریل امین ده خطاب واردک درگاه سبحانیدن شرف صدورینی، کندیسک تبلیغه مأمور قلندیغنی انحق بو طریقله بیلیوردی. (تنیه) بو مرتبه لک هیچ برنده قران کریم نازل اولمش دکدر [۵]

مرتبه ثانیه دن اولدینی تصریح بیورولان وحی الهیلردن بری شو حدیث شریفدر:

(ان روح القدس نفث فی روعی ان نفسا لن تموت حتی تستكمل رزقها فاتقوا الله واجلوا فی الطلب ولا یحملن احدکم استبطاء الرزق ان یطلبه بمعصیه الله فان الله لا ینال ما عنده الا بطاعته) معنای شریفی: روح القدس «جناب جبریل» قلبه اوفله دی، ایصال وحی ایلدی که هیچ بر نفس ارزاق مقدره سنی استکمال ایتدکجه ثولیه جکدر. بنابرین جمله کز حقدن اتقا وطلب رزقده اجمال ایتلیسکز. رزق واسعک تأخری سزدن بریکزی معصیته «غیر مشروع بر صورتله» طلبه سائق اولسون. چونکه خیرلی وبرکتلی رزق طاعت الهیه خارجنده بولنماز.

جبریل امین حیات قلبه بادی اوله حق وحی الهی ایصالنه واسطه اولسنه بناء «روح القدس» تسمیه اولنمقده درکه (قل نزله روح القدس) نظم جلیلنده وارددر. «نفث» نفخ مراد فیدرکه «النفثات» بوندن مشتقدر [۶] «روع» ضم رائله قلب معناسنده در. امر بیوریلان «اجمال فی الطلب» مشروع اولان طرق جمیله ایله، حرص زائد و تعب مفرط قارشیدر میهرق بذل مساعیده بولنق، یاخود رزق اولمغه صالح اوله حق شینک طلبنده انهما کله رزاق متعالك حقوق ربوبیتی اهامال ایتمه مک دن عبارتدر.

عارف بالله صاحب الحکم (ابن عطاءه) کتاب التئورده دها برقاچ وجه ذکر ایتمش ایسه ده ارجح اولان بومعنا لدردر. حدیث شریف مذکور ی حافظ ابوبکر بغدادی و حاکم نیسابوری ابن مسعود «رض» دن بولفظله روایت ایتمشلدردر. امام طبرانی معجمنده و حافظ ابونعیم

[۵] (فصول التیسیر فی اصول التفسیر) نام رساله مزده بومسئله تفصیل اولنمشدرکه بروجه آتی اجمال اولنه بیلیر: صحیح مسلمده سورة کوثرک نزولی حقنده صروی اولان شو حدیث شریفده (بیت رسول الله صلعم فی المسجد اذ اغنی اغفاه) ثم رفع رأسه متبسماً فقال انزل علی آنفاً سورة فقرأ بسم الله الرحمن الرحیم انا اعطیناک الکوثر الخ) وارد اولان (اغنی اغفاه) ترکیبی بعض علما طرفندن «نام نومه» ایله تفسیر اولنه رق سورة مذکوره نک حالت نومه نزولی ادعا اولنمشدر. لکن امام رافی رحمه الله دیمشدرکه تفسیر مذکور مسلم فرض اولندیغه کوره سورة اولجه نازل اولدینی حالده اثنای نومه خطوط ایتمش یاخود وعد بیورولان (کوثر) عالم منامده کندیلرینه عرض ایدلش اولسنه بناء لدی الانتباه اصحاب کرامه تلاوت بیورلش اوله بیلیر. فقط اغفاء مبرورک رسول اکرم حضرت تهرینه اثنای وحیده عارض اولان حالت توجه وانسلاخه محمول اولمسی ده جائزدر. جلال سیوطی رحمه الله ده کتاب الاتقانه احتمال ثانی بی ترجیح و تأیید ایتمشلدردر. اه

[۶] منای رحمه اه «نفث» تعبیری اسطلاحاً استبعاد کامل اصحابه علوم و هییه و معارف الهیه فیض و الهامندن عبارتدر، دیورلرکه بوکا نظراً اولان کرامتده بو عنایته مظهریتلری استبعاد اولنماق اقتضا ایدر.

حلیه سنده ابواماته الباهلی (رض) دن (حتی تستكمل اجلها وتستوفی رزقها) طرزنده روایت ایدیورلرکه جلال سیوطی (رح) جامعنده بوروایتی اختیار ایتمشدر. ذاتاً اجلک ده رزق کی امر مقدر اولمسنده شک وارتیابمز یوقدر. انحق محل مناسبنده تحقیق ایدلدیکی اوزره تقدیر ازلی - بزه دائماً مستور بولندیغنی جهته - جلب خیر و دفع ضیر تأمین ایلچون لزوم کورولن تدیرامور و بذل مساعیده توانی و تکاسل وقوعنی اصلا موجب دکدر. بلکه «خذوا حذرکم» و «لاتلقوا بایدیکم الی التهلكة» و «تداووا عباداه فان ما انزلاه داء الا انزل له دواء» مثلی نصوص شرعیه بوبابده اهتمام تام ایله چالیشمقلمغیزی ایجاب ایتدکده در. حتی زکات ایله اتفاقات سائر و جوبنه دال اولان اوامر سبحانیه اکتساب ثروت و غنایه صرف همت و اقدامدن اصلا کیری طور مامقلمغیزی مقتضیدر. ثروت و غنا اخرازی رزق مقدری تزید و توفیر ایتیمورسده اتفاق خیر و تأمین سلامت واسطه سیله اجر و ثوابک تضاعفنده تأثیر ایده جکی جای اشتباه دکدر.

مناسترلی اسماعیل حق

افغانستان

امیر عبدالرحمن شاه

مابعد

عمیحه مک یانه کلنجه:

— شو بویوک پادشاه حقنده نه بویورورسکز؟ دیدم. ایچه کولدی.

قلعه داخلنه کیردیکمزده شاه جهانی آراد قسه ده میدانده یوقدی. نهایت حقیر بر قولوبه داخلنده بولوق. بنی کورونجه - سزه یمک پیشیرمک ایچین اورماندن اودون کتیرمک اوزره آدم کوندردم. حالا اکمککزده پیشمده دی. چونکه ده میر طاوا سزی دوکونه آلمشدردی دها کتیرمه دیلر. دیدی. ایشی آکلایجه آدم یوللایوب ییه جک تدارک ایتدیردم. اهلیدن کوروشد کلمه - بوذات سزک یادشاه کزمیدر؟ دییه سورویور و - چوق عقلای کیمسه لرسکز که بویله مقتدر برسلطانی حکمدار لغزده اتحاب ایتمشکز! دیوردم که شو مدایح؛ اهلینک پک خوشنه کیدیوردی.

ایرته سی کونی، شاه جهان کلوب:

— بوندن صوکرکی منزلکز عمیحه زاده (دوست محمد) ک قلعه سیدر. او، سزی بندن دها ای مسافر ایده بیلیر. ایرکندن یوله چیقکز. دیدی. کندیسندن قلاووز ایسته دک:

— کندیم کلیر، سزه یولی کوسته ریرم. تکلیفنده بولوندی.

عمیحه مه: بلکه بونده بر مقصد وارددر. دیدمسه ده بر معناد سوزمه قولاق اصمادی. نه ایسه حرکت وبر طالعک اتکنده یتوت ایتدک.